

مجله علمی و ادبی

مطبعه و محل اداره :

جغفال اوغلنده امنیت
صندوغی جوارنده
شنکول یقوشنده
۲۶ نومرو

امطار :

مسلكمزه موافق آثار
جدیده مع الممنونیه
قبول اولنور

درج ایدلمه بن آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاسیات و بالخاصه احوال و شؤون اسلامیه بحث ایدر و هفته ده بر نشر اولنور .

آبونه بدلی

صاحب و مؤسسلری :

درسعادتده نسخه سی ۵۰ پاره در

ابوالعلا زین العابدین - ح . اشرف ادیب
تاریخ تأسیسی

قبیله دن مقوا بورو ایله کوندریلیرسه سنوی
۲۰ غروش فضله آلنیر

۱۰ تموز ۳۲۴

سنه لکی	التی آیلانی	غروش
ممالک عثمانیه ایچون	۶۵	۳۵
روسیه	۶۵	۳۰۵
سائر ممالک اجنبیه	۱۷	۹

آلتنجی جلد

۱۷ رجب الفرد ۱۳۲۹ پنجشنبه ۳۰ حزیران ۱۳۲۷

عدد : ۱۴۹

اسلامده فن و فلسفه

دردنجی عصر لهجریه شرقیه بنیسانه اعظم اسلامیه

ابو بکر محمد بن زکریا الرازی. — اوچنجی عصرک انامدار حکیمی الکندی اولدینی کبی دردنجی عصرک اک بیوک طبیی ده الرازیدر .

الکندی وسعت عرفانیله برخارقه ذکا اولدینی کوسترمشدی . راضی ایسه دهای علمیه بر نادره روزگار اولدینی اثبات ایلمشدر . راضی ، (ری) شهرنده مهد آرای عالم شهود اولمشدر .

تاریخ ولادتی صورت قطعه ده معلوم دکادر . اوچنجی عصرک نصف اخیرینه مصادف اولدینی ظن اولنیور .

عصرینک اک حاذق برطیبی اولان راضی ، غریبدرکه حیاتک اوتوزنجی سالنه قدر فن طبه تمامیه بیکانه ایدی . صباوتنده موسیقیه فرط ابتلا کوسترمشدی . صوکره لری بوابتلا ، دها زیاده بر شدته فلسفهیه توجه ایلمشدر . راضی عینی زمانده بیوک برادیب ایدی . فی الحقیقه روح راضی ، پک عالی سنو حاته مهبط الهام اولمشدر . طبه ، فلسفه و ادبیاته ، علوم ریاضیه و هیئته دائر مصنفات عدیده وجوده کتیرمشدر .

راضی بوتون معناسیهله متخصص برطیب ، وسعت معلوماتیهله ممتاز بر آنسیقلویه دیست در .

راضی برکون بغداد خسته خانه نی زیارته کیتمشدی . بوزیارت کندیسنده فنه طبه قارشنی پک درین بر محبت ، برابتلا او یاندردی . بوتاریخن اعتباراً راضی ، حاذق برطیب اولمغه عزم ایتدی . متصل چالشدی ونهایت موفق اولدی .

راضی نک تاریخنچه - یاتی ، قسماً سکون آمیز (ری) خاطراتیه ؛ قسماده بغدادک ولوله دار شععه لریله مالیدر .

فهرس العلوم صاحبی ، راضی نک سرگذشت حیاته دائر معلومات لازمه آله بیلیمک ایچون (ری) قصبه سنه قدر اختیار سیاحته مجبور اولمشدر . خاطره سیاحتی شو صورتله قید ایدیور :

« (ری) قصبه سنه ، راضی کبی برداهینک مسقط رأسی اولمق شرفی احراز ایدن بودلواز شهره تقرب ایتدیکه ، روح ده بیوک بر شوق احترام یوکسلمکه باشلا یوردی . راضی ارتحال ایتمشدی . فقط کندیسینک کنارش حیاته تمامیه واقف بریر سالدیده ایله ملاقات ایده بیلیم . اختیار دیدی که : « بی یایان بر دماغ عرفان ، خلوق بر روح ، بشوش بر سیما ، علوی بر ناصیه ، متواضع بر طور ، سمیح بر طبیعت ، لطفکار و ملذذت بر سجیه ، ایشته بووصفلی بر شخص ده جمع ایدیکز . اووقت راضی نی نظر کزده تمثیل ایتدرمش اولورسکر . راضی ، ارباب فقره قارشنی رقت حسیله معروفدی . اثنای راهده کندیسینی براردو قوماندانی ظن ایدردیکز . بوتون تلمیذان وقور بر تربیه ایله راضی نی تعقیب ایدرلردی . بو محترم ذات ، حسن اخلاقی ، وسعت عرفانی ، سیما بشوشیه حرمت عمومیه یی قزائمشدی . هر

دین هر مذهب اربابی ، یوللرده بیله ، دست ذی احترامنی تقییل ایتمکه تبرک ایدرلردی فضله سوزنه حاجت ، راضی به مسقط رأس اولمق شرفیه درکه ، بوکوچوک قصبه ، سزی بیله تا اندلسدن بورالره قدر جذب ایلدی . »

راضی ، طبی طبریدن ، فلسفه یی ده امام بلخی دن آلم ایلمشدر . راضی طبک ، هم نظریاتی وهم عملیاتیله اشتغال ایلمشدر .

تجارب دقیقه سی ، تسخیص مرض و اصول تداویده کوستردیکی حذاقت و مهارت هرکسی حیرته بر اقیوردی .

زماننده بقیشان علما ، راضی به قارشنی شایان تحیل بر حس حرمت پرورده ایلماشدر .

هجرت نبوینک (۳۲۰) نجی سالنده ایدی که بوجهان عرفان ایدیا افول ایلدی . راضی حیاتنک قسم اعظمی تالیفاتله امرار ایلمشدر . زیارتنه کیدنلر ، کندیسینی بهمه حال یا بر اثر تسویدی ویاتنیضیه مشغول بولورلردی . آثار منتشره سی ایکیوزی متجاوزدر . اوتوز جلدن مرکب (الحاوی) نام اثر لایموتی فن طبک بالجمله اقسامنی جامعدر .

بو اثر اوللا لاتینجهیه و بالآخره بوتون غرب لسانلرینه ترجمه ایدلشددر . طب قدیم ، طبک کنندی زماننده کی ترقیاته عائد معلومات ، بالذات کنندی تجربه لری ، بوتون بونلر (الحاوی) ده درج ایدلماشدر . الحاری نک ساحه تنبیه پک واسعدر . راضی بو اثرنده آباء طبی بیله آره صره تنقیددن چکنا مشدر .

الحاوی ده اوللا امراض رأسیه دن باشلانیه رق صره سیله ، هر عضوه مخصوص خسته لقلر ، دها صوکره امراض عمومیه یکان یکان مطالعه و تدقیق ایدلماشدر . بونلری متعاقب (مبحث السموم) و ترتیب ادویهیه دائر مباحث مفصله کوریلور .

راضی ، اطباء اسلامیه ک سر تاج افتخاری ، سرنامه ، باهاتیدر . معاصرلری کندیسینه بحق (جالینوس العرب) عنوانی ویرمشلردر . قزاموق و قزیل خسته لقارینه دائر (مقاله الجدری و الحصیه) نامنده مهم برساله یازمشدر که اوروپاده اشتهار ایتش آثار قدیمه دندر . (المنصوری) نامنده کی اثری ایسه امهات کتب طبیه دن معدوددر . راضی ، (کتاب فی ان للانسان خالقاً متقناً حکماً) عنوانی اثر عالیه سنده ، تشریح و فیزیولوژیدن استدلال ایده رک ، وجود باری نی اثبات ایتمکه موفق اولمشدر . بو اثرده عالم صغری اولان انسانه دائر پک عمیق تدقیقاته تصادف اولنور .

(کتاب فی میره الحکما) نامنده کی اثر ایسه بر نوع تاریخنچه فلسفه عد اولنه بیلور . (کتاب کبیر فی الهیولاء) فلسفه قدیمیه عائد مطالعات دقیقه یی محتویدر .

(کتاب فی المده و الحلاء و الملاء) نام اثرنده ، راضی ؛ زمان و مکانه دائر عمیق فکرلر سرد ایلماشدر .

(الحاوی) و (المنصوری) هر لسانه ترجمه ایدلش اولدینی بی متن عربیاریده اوروپاد نشر ایدلماشدر .

- (كتاب الجدرى والحصينه) انكليزية ترجمه سياه برلكده لوندرده
طبع ايدلدى .
- الراضى اوروياده (Razès) ناميله اشتها را يله مشدر . دوكتور لوئين
(Lucien) راضيدن بحث ايدركن ديوركه : راضيك مفردات
طب حقنده كي وقوفى شايلان حيرت بر درجه در . اراضى بوتون معناسيله
حاذق بر طيب اولدينى كى عين زمانده بيوك ودرين دوشونيجى بر حكيم
اقتدارينجى ده كو ستر مشدر .
- تاريخ فن وتاريخ فلسفه راضى بي الكبيوك اعظم مياننده تعداد
ايدبور .
- ابن ابى اصيمه نك بياناته نظرأ ، راضى نك آثارندن مشهور
اولانلر بروج آتيدر :
- ١ كتاب فى الطب
 - ٢ المدخل الى الطب
 - ٣ مقالة فى الزكام والنزلة وامتلاء الرأس
 - ٤ مقالة فى السبب فى قتل ريح العموم اكثر الحيوانات
 - ٥ كتاب فى علل المنصل والذفرس وعرق النساء
 - ٦ كتاب فى مآجع المفاصل
 - ٧ مقالة فى الحص والكلى والمثانة
 - ٨ كتاب الى من لا يحضره الطبيب
 - ٩ كتاب التقسيم والتشجير
 - ١٠ كتاب الطب الملوكى
 - ١١ كتاب فى الفالج
 - ١٢ كتاب فى هيئة الكبد
 - ١٣ كتاب فى هيئة القلب
 - ١٤ كتاب فى هيئة العين
 - ١٥ كتاب فى كيفية الاغتداء
 - ١٦ كتاب فى اطعمة المرضى
 - ١٧ مقالة فى ان العلل اليسيرة بعضها اعسر تعرفاً وعلاجاً
 - ١٨ كتاب العلة التى لها تدم العوام الاطباء الحذاق
 - ١٩ رسالة فى العلل المشككة وعذر الطبيب
 - ٢٠ كتاب فى العلل القاتلة لمعظمها والقاتلة لظهورها بغتة مما لا يقدر
الطب على صلاحها وعذره فى ذلك .
 - ٢١ رسالة فى محنة الطب وكيف ينبغي ان يكون حاله فى نفسه
وبدنه وسيرته وادبه
 - ٢٢ كتاب منافع الاغذية ودفع مضارها
 - ٢٣ كتاب فى القولنج
 - ٢٤ كتاب فى تفسير كتاب جالينوس لفصول البقراط
 - ٢٥ كتاب فى استفراغ المحمومين قبل النضج
 - ٢٦ كتاب فى منافع الاعضاء
 - ٢٧ الكافى فى الطب
 - ٢٨ كتاب البرء
- ٢٩ كتاب صفات اليمارستان
 - ٣٠ مقالة فى ابدال الادوية
 - ٣١ رسالة فى الحمام ومنافعه ومضاره
 - ٣٢ كتاب فى دواء المسهل والمقئ
 - ٣٣ جمل معانى قاطيعو رياس
 - ٣٤ جمل معانى بارينياس
 - ٣٥ جمل معانى انالوطيقا
 - ٣٦ كتاب هيئة العالم
 - ٣٧ كتاب الانبات (علم كيميايه عأددر .)
 - ٣٨ كتاب الاحجار
 - ٣٩ كتاب الاسرار
 - ٤٠ كتاب سر الاسرار
 - ٤١ كتاب التبويب
 - ٤٢ كتاب رسالة الخاصة
 - ٤٣ كتاج الحجر الاصفر
 - ٤٤ كتاب الرد على الكندى فى ادخاله صناعة الكيميا فى الممتع
 - ٤٥ كتاب كير فى الهيولاء
 - ٤٦ كتاب فى خواص الاشياء
 - ٤٧ كتاب فى سبب وقوف الارض وسط الفلك على استدارة
 - ٤٨ كتاب فى ان العالم لا يمكن ان يكون الامانشاهده
 - ٤٩ كتاب فى الحركة وانها ليست مرئية بل معلومة
 - ٥٠ كتاب فى ان للجسم تحريكاً من ذاته وان الحركة مبدأ طبيعى
 - ٥١ قصيدة فى المنطقيات
 - ٥٢ قصيده فى العلم الالهى
 - ٥٣ قصيدة فى العظمة اليونانية
 - ٥٤ كتاب الكرى ومقادير مختصره
 - ٥٥ كتاب فى نقض كتاب انابولى فزفوريوس فى شرح مذاهب
ارسطوطاليس فى العلم الالهى
 - ٥٦ كتاب فى العلم الالهى
 - ٥٧ كتاب فى الهيولا المطاقة والجزئية
 - ٥٨ كتاب فى العلم الالهى على رأى افلاطون
 - ٥٩ كتاب فى علامات اقبال الدولة
 - ٦٠ رسالة فى ان النفس ليست بحجم
 - ٦١ كتاب فى فسخ ظن من يتوهم ان الكواكب ليست فى نهاية
الاستدارة
 - ٦٢ رسالة يبحث فيها عن الارض الطبيعية طين هى ام حجر
 - ٦٣ كتاب فى الكواكب السبعة
 - ٦٤ كتاب فى الحكمة
 - ٦٥ كتاب فى النفس الكبيره
 - ٦٦ كتاب فى النفس الصغيره

- ٦٧ كتاب في المناقصة بين اهل الدهر واهل التوحيد في احداث العالم
- ٦٨ كتاب الانتقاد على اهل الاعتزال
- ٦٩ كتاب في تفسير كتاب افلاطرخس لكتاب طيماوس في اتمام كتاب افلاطرخس
- ٧٠ اختصار كتاب النبض الكبير لجالينوس
- ٧١ رسالة في ان قطر المربع لا يشارك الضلع من غير هندسة
- ٧٢ كتاب في الاشواق على اهل التحصيل من المتكلمين بالفلسفة
- ٧٣ كتاب في تثبيت المعاد
- ٧٤ كتاب في علة جذب حجر المقتطيس للحديد
- ٧٥ ميزان العقل
- ٧٦ كتاب شروط النظر
- ٧٧ كتاب الآراء الطبيعية
- ٧٨ رسالة في التركيب
- ٧٩ رسالة في كيفية النحو
- ٨٠ كتاب في اللبن
- ٨١ كتاب صيدلة الطب
- ٨٢ كتاب في جواهر الاجسام
- ٨٣ كتاب الامام والمأمون المحققين
- ٨٤ كتاب في شرف القصد
- ٨٥ كتاب خواص التلاميذ
- ٨٦ كتاب في الاشواق على اهل التحصيل المتكلمين بالفلسفة
- ٨٧ كتاب في نقض كتاب الباغي لكتاب العلم الالهي
- ٨٨ كتاب في الرياضية
- ٨٩ كتاب في انه لا يجوز ان يكون الافتراق والسكون
- ٩٠ كتاب في السيرة الفاضلة وسيرة اهل المدينة الفاضلة
- ٩١ كتاب في الشراب المسكر
- ٩٢ رسالة في العطش وازدياد الحرارة لذلك
- ٩٣ رسالة في جمل الموسيقى
- ٩٤ كتاب في مافع الاعضاء
- ٩٥ كتاب في لاوهام والحركات النفسانية
- ٩٦ كتاب السر في الحكمة
- ٩٧ كتاب المرشد
- ٩٨ مقالة في المذاقات
- ٩٩ كلام في الفرق بين الامراض
- ١٠٠ مقالة في البهق والبرص
- ١٠١ مقالة في البواسير والشقاق في المقعدة
- ١٠٢ مقالة في الحرقفة الكائنة في الاحليل والمثانة
- ١٠٣ مقالة في العلاج العين بالحديد
- ١٠٤ كتاب في فضل العين على سائر الحواس
- ١٠٥ مقالة في العادة وانها تكون طبيعة
- ١٠٦ مقالة في المتعة في اطراف الاجفان
- ١٠٧ مقالة في العلة التي من اجلها تضيق النواظر في النور وتتسع في الظلمة
- ١٠٨ مقالة فيما استدركه من الفصل في الكلام في القائلين بحدوث الاجسام وعلى القائلين بقدمها
- ١٠٩ مقالة في العلة التي لها تزعم الجهال ان الثالج يعطش
- ١١٠ رسالة في مقدار ما يمكن ان يستدرك من احكام النجوم
- ١١١ رسالة في علة خلق السباع والهوام
- ١١٢ كتاب في النقض على الكيال في الامامة
- ١١٣ كتاب الادوية الموجودة في كل مكان
- ١١٤ كتاب في الرد على الجاحظ في نقض صناعة الطب
- ١١٥ كتاب في القوة
- ١١٦ كتاب في تناقض قول الجاحظ في كتابه في فضيلة الكلام وما غلط فيه على الفلاسفة
- ١١٧ كتاب في هيئة الصماخ
- ١١٨ كتاب في ذكر الادوية المعدنية
- ١١٩ كتاب في افعال الادوية المركبة
- ١٢٠ كتاب في نقض الطب الروحاني على ابن اليمان
- ١٢١ كتاب في ايضاح العلة التي بها تدفع الهوام بالتغذي ومرة التدبير
- ١٢٢ مقالة فيما ينبغي ان يقدم من الاغذية والفواكه وما يؤخر منها
- ١٢٣ مقالة في الرد على احمد بن الطيب الرخسي فيما رده على جالينوس في امر الطعم المر
- ١٢٤ كتاب في الرد على المسمى المتكلم في رده على اصحاب الهيولى
- ١٢٥ كتاب في مخنة الذهب والفضة والميزان الطبيعي
- ١٢٦ كتاب حيل الشمس
- ١٢٧ كتاب في الباء
- ١٢٨ كتاب الزيادة
- ١٢٩ الجايع
- ١٣٠ المنصوري
- ١٣١ الفاخر
- ١٣٢ كتاب الشكوك والمناقضات التي في كتب جالينوس
- ١٣٣ كتاب في كيفية الابصار
- ١٣٤ مقالة في ان الطين المتقل به فيه منافع
- راضي فنده اولديني قدر ادبيات وشعرده اشتها ايلمشدر .
- ادبياتك بوتون اينجه لكيريني جامع رنكين ، رقيق شعرلري واردر .
- منطق وسائر فنوندن بعضيلريني انظماً تأليف ايده جيك قدر اقتدار ادبي كوسترمشدر .
- راضي ، عنفوان حياتنه عائد خاطراتني (ري) افقارنده كيرلهمش اولديني كبي انقاس واپسيني ده ينه بوافقارده سونمشدر .
- لئون آفريكن (Léon l' Africain) تاريخ حكما واطبا عنواني اثرنده راضي نك مصره ومؤخراً اندلسه قدر بر سياحت اجرا ايلمش

اولدینی روایت ایدیور . کویا راضی (المنصوری) بی اندلسده تألیف و (حاجب المنصور) نامه اتحاف ایلمش ، (ووستانقلد) ده عینی ادعاده بولمقدهدر . فقط راضی نك بویولده بر سیاحت اجرا ایلمش اولدیغنه دائر موثوق بر معلومات یوقدر . (ووستانقلد) نك بر جوق خصوصده اولدینی کبی بومسئلهده دخی دوچار خطا اولمی اغلب احتمالدر .

باخصوص که ، (المنصوری) نك خراسان امیری المنصور بن اسماعیل بن اسحق نامه اتحاف ایلمش اولدینی محققات تاریخیه دندر . شوخالده لئونك روایتی بوصورتلده تأیید ایدیله مز . راضی ، (الطب الملوك) اثرینی ده طبرستان امیرینك مخدومی (علی) نامه اتحاف ایلمشدر .

مدید بر حیات فعالیتی متعاقب ، راضینك بوتون قواسنی ضعف پیری استیلا ایلمشدر . بوتاب فرسا ، فعالیت دماغیه ، نهایت بر عمای بصری ایله خاتمه نمای فجاعت اولدی . قوجه حکیم ، اختیار لغده نور بصردن محروم قالدی .

برای تدایوی بر کمال جلب ایلمشدری راضی ، بوذاته کوزك قاج طبقه دن متشکل اولدینی سـؤال ایدنجیه بیچاره آدم بیچ وتاب ایچنه دوشدی . مکر بویادکارك هیچ برشیدن خبری یوقش . راضی ، کندی کبی برداهی طی تدایوی به جراثیب اولان جسور متطبی قپو طیشاری آتدیردقدنصره کمال یأس واقفال ایله :

(شمدی به قدر کوردیکم یتیشیر . آرتق بوسفیل دنیایی کورمک ایسته م) . دیمش اولدینی روایت تاریخیه دندر .

برداهی طب ایچون نه سوزشلی یأس ونومیدی ! راضی نك ترجمه حالی قید ایدنلر بر کیفیت غریبه دن بحث ایدیورلر . اونلرجه غریب کورینن بو کیفیت قنون حاضره نظرندده مهم فقط طبیعی کوریه بیلیر .

مورخین دییورکه : حیاتنده راضی نك اوانی بیتیه سی غایتله مجلا وعادتا مذهب وسیمین اولدقلری حالده وفاتی متعاقب مرور زمانله بونلر اولکی جلا ورنکلرینی غائب ایلمشدر .

راضی نك فن کیمیاده کی اختصاصی مشهوردر . حتی حامض کبریتی کشف ایدن ذاتک راضی اولدینی محققات قطعیه دندر . شوخالده خاطره کله بیلیرکه ، راضی ، خانه سنده بولنان باقر اوانی بی کیمیا وفن سایه سنده ، شمدیکی غالوانوپلاستی به مشابه بر صنعتله تذهیب وتفضیض ایده بیلیمشدری .

معافیه بوروایت اودرجه حائر وثوق عد ایدیله مز . راضی بوتون معناسیله حاذق بر طبیب ایدی . فن طبیک نظریات وتطبیقاتنده بحق مشار بالبنان اولمشدری . بالخاصه تشخیص مرض حقنده کی ملکه سی شایان حیرتدر .

قان قوصدیندن طولانی بالجمله اطبا طرفندن تورمنه حکم ایلمش اولان برکنجک اسباب مرضی . طورغون برکولدن ایچدیکی صوواسطه .

سیله بوغازینه قاجش اولان سولوکدن نشأت ایتدیکنی ، خسته بی کورر کورمز تشخیصه موفق اولمشدری .

راضی ، وفاتنده (الحاوی) بی اکمال ایده ماششدری . کتابک اکمالی تلمیذانک ثمره غیرتیدر . وفاتی متعاقب ابن الحمید نامنده بر ذات ، بر جوق مبلغ فدا ایدرک (الحاوی) بی همشیره سندن اشترا ایلمشدری . بعاه کتاب اکمال ایدلدی .

الحاوینک بودله یین واسکو یال کتبخانه لرندده یازمه برر نسخه سی موجوددر .

پارس کتبخانه سنده دخی بر نسخه موجود ایسه ده مع التأسف قسم کلیسی نقصاندر . یالکز (کتاب الحیات) قسمی تمامدر .

اون اوچنچی عصر میلادیده فارراغوت اسمنده بر ذات (الحاوی) بی (continent) نامی آلتنده لاتینجه به ترجمه ایلمشدری . ترجمه ایکی بیوک جلددن عبارت اولوب بالاخره دفعاتله طبع ایدلمشدر .

الحاویدن صوکره طبه دائر راضینک المشهور اثری (المنصوری) در . المنصوری اون کتابدن مرکب اولوب هر برنده صره سیله مسائل آتیه دن بحث ایدلمشدر :

- (۱) تشریح
- (۲) امرجه
- (۳) اغدیه ومعالجات
- (۴) حفظ الصحه
- (۵) ماطفات بشره
- (۶) انشای سیاحتده تطبیق ایدیله جک اصول صحی
- (۷) فن جراحی
- (۸) زهرلر
- (۹) امراض عمومیه
- (۱۰) حالر

المنصوری زهرلر دوقره مون طرفندن لاتینجه به ترجمه ودفعاتله طبع ایدلمشدر .

طیب شهر علی بن عباس (الملکی) نامنده کی اثر معروفنک مقدمه سنده ، اسباب تألیفندن بحث ایدرکن دییورکه : « کرچه راضی نك المنصوری و الحاوی نامنده طبه دائر ایکی اثر معظمی موجود ایسه ده المنصوری بالنسبه مختصر و الحاوی ایسه انتظامدن عاری برمه توده توفیقاً مرتبدر . بوندن ماعدا ، الحاوی ده فن جراحی به دائر معلومات یوقدر .

علی بن عباس ، اسباب تنقید اوله رق مطالعات سابقه بی سرد ایتدکن صکره ، الحاوی والمنصورینک قیمت علمیه وفیه لرینی برلسان ستایشله اعترافدن کندینی آله میور .

راضی نك (الجامع) و (الفاخر) عنوانلی اثرلریده مخلصات طیه دن معدوددر .

راضی نك قزاموق و چیچک علتلری حقنده یازمش اولدینی (کتاب

قاشلی ، چکمه برونی ، آزدکرمی چهره لی ، جسم باکی کل کبی
قرمزی به مائل بیاض و تابدار و مبارک دیشلری سیرک و اینجو کبی رونقدار
و شریف و محترم صقالی تام و اینچنده آنجق یکرمی تل قدر بیاض وار
ایدی .

بردر دیدی آشنای وحدت

موج احدیت احمدیت

— ۲ —

یارغار شفیق حضرت ابابکر الصدیق رضی الله عنه

محرم احوال و اسرار ، سرهنک قوافل مهاجرین و انصار ،
سیداهل تجرید ، افضل ارباب تفرید ، خزینة علم و حلم ، حضرت صدیق
اعظم و اکرمک اسم پاک عالیمی « عبدالله بن عثمان » اولوب کنیه لری
« ابوبکر » در . پدر عالیقدر لری « عثمان بن عامر » حضرت تلرینک
کنیه لری دخی ، ابوقحافه ، در والدہ ماجده لری « ام الحیر سلمی »
رضی الله عنہادر .

عتیق و صدیق و ذوالحلال القاب جلیله جله سندن اولوب هجرت
سنیده رسول اللهک رفیق خاصی اوله رق غار شریفه کنیدیسیله برلکده
تشریف بیورلدیغندن « یارغار » عنوان مخصوصی آلمشدر . جلالت
قدرینه « واذ یقول لصاحبه » الخ ایت کریمه سنک نزولی و « افضل
الخالق بعد الانیا » و « ماصب الله شیئا علی صدری الا وحیته علی صدر
ابی بکر » و « لو کنت متخذاً خلیلاً لا تخذت ابابکر خلیلاً » و « خلقت
انا و ابوبکر من طینه واحدة » احادیث شریفه سنک صدوری بیوک
دلایلدر .

هرچه در صدر نبی ریخت خداوند فیض

اوز شفقته همه در سینه صدیق بر ریخت

جناب صدیق ولادت سنیه نبویه دن ایکی سنه و برقاج آی صکره
قدمناهة عالم شهود اولمش و بعثت سنیه ده هر کسندن اول اسلامه کلشدر .
حضرت ابن عباس : الی اول مسلم اولان کیمدر ؟ دیو صورانلره
« حضرت ابوبکر در ، حسان بن ثابتک سوبلدیکی مرثیه بی ایشتمدکی ؟ »
بیوروب حضرت حسانک صدیق اکبر افندمر حقنده کی مرثیه سندن
شویتلری او قورلردی :

اذا تذکرت شجواً اخی ثقة فاذا کر اخاک ابابکر بما فعلا
خیر البریه اتقاها و أعد لها الا النبی و أوقاها بما حملا
و الثانی التالی المحمود مشهده و اول الناس منهم صدق الرسلا
سیدنا ابن عباسک مرادلری رجال احرار اینچنده الی اول مسلم اولان
حضرت صدیق اولدیغندر و الا علی الاطلاق الی اول اسلامه کلن حضرت
خدیجه رضی الله عنہادر .

حضرت صدیق رضی الله عنه افندمر فناده فرد کامل ایدی « من
اراد ان ینظر الی میت یمشی علی وجهه الارض فلینظر الی ابی قحافه »
حدیث شریفی بونی مؤیددر .

یارغار پیغمبر جناب صدیق اکبر رضی الله عنه معراج النبی بی

الجدری و الحصیة) نام اثری تاریخ طبده ، اک قیمتدار اثرلر میاننه
ادخال ایدلمکده در .

اثر مذکور و قتیله (Pestilentia) نامی آلتنده لاتینجه به ترجمه
ایدلمشدر . متن عربیسیله بولاتینجه ترجمه سی شاننج طرفندن طبع
و نشر ایدلمشدر . موسیو غرانهل طرفندن انکلیزجه به ترجمه ایدلدیکی
کبی (Traité de la variole et de la rougeole) عنوانی آلتنده اخیراً
فرانسه زجه به ترجمه ایدلمشدر . اسپانیاده کی اسکوریا کتبخانه سنده
راضی نک اکثر آثارینه دسترس اولنه بیلور .

(مقاله فیما یبغی الی یقدم من الاغذیه و الفواکه و ما یوآخر منها) عنوانی
اثری (۸۸۷) نومروده مقیددر .

راضی بو اثرده میوه لری صره سیله تعداد ایتدکن صوکره هانکیلر-
ینک یمکدن اول و هانکیلرینک بعد الطعام اکل اولنه بیله چکنه دأر
سرد مطالعات ایتمکده در .

مثلاً راضی بو اثرنده ، یمکدن اول آیوا اکلنی شدتله منع ایتدیکی
حالده ، عصارة معدویه افرازینه خادم اوله جنی جهتله بعد الطعام آیوا
یمکی مناسب کوریور و توصیه ایدیور .

راضی علم هیئت و ریاضیاتده بردهای حیرتبخش کوسترمشدر .
(کتاب فی هیئت العالم) نامنده کی اثرنده ، ارضک کرویتی بیان و اثبات
ایتدیکی کبی ، جسامتنه دأرده بر مقایسه یامشدر . راضی ، شمسک
ارضدن پک بیوک و قمرک ایسه بالعکس ارضدن کوچوک اولدیغنی
بو اثرنده ذکر ایدیور . فنک او وقتکی حالته نظر آراضینک بیاناتنده کی
اهمیت بالخاصه شایان تذکاردر . مابعدی وار

مدلی اعدادیسی مدیری

م . شمس الدین

روضة القراء

— ۱ —

منبع فیض

سید التقی بن امام الحرمین عبدالحسین علیه الصلوة والسلام
افندمر حضرتلری

اعظاک حقیقت و معجزات و سیرت سنیه نبویه بی مین کتبخانه
دهره بر کذار ایلدکلری بو قدر تألیفات نفیسه خلاصه سنی بویه کوچک
بر مقاله به صیغشدر مق هر کسک کاری و باخصوص اسرار و حقایقندن
بحث ایتک بزم کبی عاجزلرک موافق دأب و شعاری دکدر . بنابرین
یالکز بیلمسی واجب اولان حلیه شریفه لرینک درجیه تشرف و اکتفا
اولادر .

سرور انیا ، کاشف سر علم الاسما ، هادی سبل ، املح الرسل افندمر
حضرتلری ، اوزونه قریب اورته بولی ، تام الاعضا ، اندامی متناسب ،
اجل و اکمل بشر ایدی . اعتدال اوزره بیوک باشلی ، هلال کبی اینجه